

BOSNA I HERCEGOVINA  
FEDERACIJA BOSNE I HERCEGOVINE  
**AGENCIJA ZA NADZOR OSIGURANJA  
FEDERACIJE BOSNE I HERCEGOVINE**  
S A R A J E V O

Na osnovu člana 106. Zakona o osiguranju („Službene novine Federacije BiH“, broj 23/17) i člana 12. Statuta Agencije za nadzor osiguranja Federacije Bosne i Hercegovine („Službene novine Federacije BiH“, broj 84/17) Stručni savjet Agencije za nadzor osiguranja Federacije Bosne i Hercegovine na 21. sjednici, održanoj 04.12. 2018. godine, donosi

**PRAVILNIK  
O REGISTRU POLICA I ŠTETA ZA OSIGURANJE VLASNIKA ODNOSNO KORISNIKA  
MOTORNIH VOZILA OD ODGOVORNOSTI ZA ŠTETE PRIČINJENE TREĆIM LICIMA**

I OPĆE ODREDBE

Član 1.  
(Predmet)

Ovim Pravilnikom propisuje se vrste, sadržaj i forma registara koje Agencija za nadzor osiguranja Federacije Bosne i Hercegovine (u daljem tekstu: Agencija za nadzor) vodi za osiguranje vlasnika odnosno korisnika motornih vozila od odgovornosti za štete pričinjene trećim licima, vrsta rizika 10.01, (u daljem tekstu: osiguranje AO).

Član 2.  
(Vrste registara)

Agencija za nadzor obrađuje, čuva i upotrebljava lične podatke potrebne za sklapanje ugovora o osiguranju i rješavanje šteta koje proizlaze iz osiguranja na osnovu Zakona o osiguranju, a u skladu sa Zakonom o zaštiti ličnih podataka ("Službeni glasnik BiH", br. 49/06, 76/11 i 89/11) i ostalim propisima o zaštiti podataka, i vodi sljedeće registre u elektronskoj formi:

- a) registar polica AO,
- b) registar šteta AO

Član 3.  
(Prikupljanje podataka)

- (1) Društvo za osiguranje i podružnica društava za osiguranje sa sjedištem u Republici Srpskoj (u daljem tekstu: podružnica) je Zakonom o obaveznom osiguranju od odgovornosti za motorna vozila i ostale odredbe o obaveznom osiguranju od odgovornosti („Službene novine Federacije BiH“, broj 24/05) ovlašteno da prikuplja, obrađuje i čuva lične i druge podatke potrebne za zaključivanje ugovora i rješavanje odštetnih zahtjeva koji proisteknu iz obaveznih osiguranja u saobraćaju, uz obavezu da sa ličnim podacima postupa u skladu sa važećim propisom kojim se reguliše zaštita ličnih podataka u Federaciji Bosne i Hercegovine/Bosni i Hercegovini.

- (2) Društvo za osiguranje i podružnica je obavezno da vodi evidencije, uspostavlja i održava baze ličnih i drugih podataka o:
- 1) ugovorima o osiguranju,
  - 2) štetama.
- (3) Minimalni skup podataka iz stava (2) tačka 1) ovog člana, o kojima je društvo za osiguranje i podružnica obavezno voditi evidenciju, propisan je članom 5. ovog Pravilnika.
- (4) Minimalni skup podataka iz stava (2) tačke 2) ovog člana, o kojima je društvo za osiguranje i podružnica obavezno voditi evidenciju, propisan je članom 7. ovog Pravilnika.

#### Član 4.

(Obaveza dostavljanja podataka)

- (1) Društvo za osiguranje i podružnica dužno je Agenciji za nadzor dostavljati podatke o policama i štetama za osiguranje AO propisane čl. 5. i 7. ovog Pravilnika.
- (2) Društvo za osiguranje dužno je Agenciji za nadzor dostavljati podatke o policama i štetama za osiguranje AO na način i u rokovima propisanim čl. 9. i 10. ovog Pravilnika.

## II REGISTAR POLICA

#### Član 5.

(Sadržaj registra polica AO)

Registar polica AO sadrži sljedeće podatke o ugovorima sklopljenim za osiguranje od odgovornosti za upotrebu motornih vozila:

- a) Podaci o ugovorima o osiguranju su:
- 1) osnovni podaci o polici osiguranja,
  - 2) podaci o osiguraniku i
  - 3) podaci o motornom vozilu, za čiju upotrebu je osigurana odgovornost vlasnika.
- b) Osnovni podaci o polici osiguranja iz tačke a) podtačka 1) ovog člana su:
- 1) kontrolni broj police,
  - 2) izdata zelena karta,
  - 3) kontrolni broj prethodne police osiguranja, na osnovu koje je određen premijski razred,
  - 4) premijski razred prethodne police osiguranja, na osnovu koje je određen premijski razred,
  - 5) kod društva za osiguranje, određen od strane Biroa zelene karte u BiH, koje je izdalo prethodnu policu osiguranja, na osnovu koje je određen premijski razred,
  - 6) datum zaključenja police,
  - 7) početak važenja osiguranja,
  - 8) istek važenja osiguranja,
  - 9) entitet zaključenja police,
  - 10) mjesto zaključenja police,
  - 11) suma osiguranja za štetu na stvarima,
  - 12) suma osiguranja za štetu na licima,
  - 13) ID posrednika u osiguranju,
  - 14) tarifa,
  - 15) iznos osnovne premije,
  - 16) premijski stepen,
  - 17) doplaci,
  - 18) popusti,
  - 19) iznos ukupno obračunate premije i

- 20) datum tarifiranja.
- c) Podaci o osiguraniku iz tačke a) podtačka 2) ovog člana su:
- 1) oznaka: pravno ili fizičko lice,
  - 2) ime i prezime fizičkog lica/ naziv pravnog lica,
  - 3) jedinstveni matični broj (JMB) za fizička lica, odnosno jedinstveni identifikacioni broj (JIB) za pravna lica,
  - 4) pol (samo za fizička lica),
  - 5) datum rođenja (samo za fizička lica),
  - 6) datum sticanja vozačke dozvole (samo za fizička lica),
  - 7) adresa fizičkog lica, odnosno sjedište pravnog lica,
  - 8) entitet prebivališta osiguranika,
  - 9) općina i
  - 10) bračni status (samo za fizička lica).
- d) Podaci o motornom vozilu iz tačke a) podtačka 3) ovog člana su:
- 1) registarski broj/oznaka motornog vozila (ako postoji u vrijeme zaključivanja ugovora),
  - 2) broj šasijske,
  - 3) vrsta motornog vozila,
  - 4) oblik karoserije,
  - 5) marka,
  - 6) model/tip,
  - 7) boja,
  - 8) godina proizvodnje,
  - 9) snaga motora u kW,
  - 10) zapremina motora u ccm,
  - 11) nosivost u tonama,
  - 12) broj registrovanih mjesta i
  - 13) namjena.

#### Član 6.

(Kriterij pripadnosti)

Kriterij za određivanje pripadnosti traženih podataka u izvještajni period jeste datum tarifiranja police, odnosno datum kada je društvo izvršilo zadnju kontrolu izdate police.

### III REGISTAR ŠTETA

#### Član 7.

(Sadržaj registra šteta AO)

Registar šteta AO sadrži sljedeće podatke o ugovorima sklopljenim za osiguranje AO:

- a) Podaci o štetnim događajima i procjeni i obradi šteta iz osnova ugovora o osiguranju AO su:
- 1) osnovni podaci o odštetnom zahtjevu,
  - 2) dodatni podaci o odštetnom zahtjevu,
  - 3) podaci o odgovornoj strani/licu za štetu i
  - 4) podaci o trećoj oštećenoj strani.
- b) Osnovni podaci o odštetnom zahtjevu iz tačke a) podtačke 1) ovog člana su:
- 1) broj odštetnog zahtjeva,
  - 2) datum nastanka štetnog događaja,
  - 3) mjesto nastanka štetnog događaja,

- 4) datum podnošenja odštetnog zahtjeva,
  - 5) kontrolni broj police osiguranja na osnovu koje je podnesen odštetni zahtjev,
  - 6) vrsta štete (materijalna i/ili nematerijalna),
  - 7) datum obrade,
  - 8) obrađeni iznos i
  - 9) kod društva za osiguranje, određen od strane Biroa zelene karte u BiH.
- c) Dodatni podaci o odštetnom zahtjevu iz tačke a) podtačke 2) ovog člana su:
- 1) status štete,
  - 2) datum plaćanja,
  - 3) plaćeni iznos,
  - 4) regresirani/otkupljeni iznos.
  - 5) iznosi rezervi za štetu i
  - 6) datumi rezervacija.
- d) Podaci o odgovornoj strani/licu za štetu iz tačke a) podtačke 3) ovog člana su:
- 1) ime i prezime/naziv osiguranika, čija je odgovornost za upotrebu vozila kojim je prouzrokovana šteta osigurana (štetnika),
  - 2) registarska oznaka motornog vozila sa kojim je prouzrokovana šteta (vozilo štetnika).
- e) Podaci o trećoj oštećenoj strani iz tačke a) podtačke 4) ovog člana su :
- 1) Podaci o trećem oštećenom licu/ima, i to:
    1. ime i prezime fizičkog lica/ naziv pravnog lica,
    2. JMB za fizička lica, odnosno JIB za pravna lica.
  - 2) Podaci o oštećenom motornom vozilu, i to:
    1. registarski broj/oznaka motornog vozila i
    2. broj šasije.

#### Član 8.

(Kriterij pripadnosti)

Kriterij za određivanje pripadnosti traženih podataka u izvještajni period jeste datum obrade štete. Nakon prvi put dostavljenih podataka o šteti društvo je dužno dostavljati i sve naknadne izmjene podataka o šteti.

#### IV DOSTAVLJANJE PODATAKA

#### Član 9.

(Način dostave podataka)

- (1) Podaci iz čl. 5. i 7. ovog Pravilnika dostavljaju se u elektronskoj formi u formatu xml.
- (2) Podaci iz čl. 5. i 7. ovog Pravilnika dostavljaju se za svaki izvještajni period pojedinačno (mjesečno, nekumulativno).
- (3) Agencija za nadzor će način dostave podataka u elektronskom obliku iz stava (1) ovog člana definisati Tehničkim uputstvom o načinu izrade i dostave xml datoteka koje će biti dostupno na web stranici Agencije za nadzor [www.nados.ba](http://www.nados.ba).

Član 10.

(Rokovi za dostavu podataka)

Podaci iz čl. 5. i 7. ovog Pravilnika dostavljaju se u roku od 10 dana po isteku mjeseca za koji se dostavljaju.

V PRELAZNE I ZAVRŠNE ODREDBE

Član 11.

(Prelazne odredbe)

Ovaj Pravilnik se primjenjuje za izvještajne periode počev od 01.01.2019. godine.

Član 12.

(Stupanje na snagu)

Ovaj Pravilnik stupa na snagu 01.01.2019. godine.

PREDSJEDNIK  
STRUČNOG SAVJETA

mr. sci. Edita Kalajdžić s.r.

Broj: 021-3342-5/18  
Sarajevo, 04.12.2018. godine